





9264.

1781, 13.

DE COLONIIS MERCATORVM
IN GERMANIA ET PRAECIPVE
IN SAXONIA

ILLVSTRIS I. CTORVM ORDINIS AVCTORITATE

P R A E S I D E

D. IOH. THEOPHILO SEGERO

EIVSDEM ORDINIS ET SVPREMAE IN PROVINCIA CVRIAE

ASSESSORE ATQVE ANTECESSORE ORDINARIO

V T A D I T V M

AD SVMMOS IVRIS SCIENTIAE HONORES

SIBI APERIAT

A. D. XVIII. SEPT. AN. CIOIOCCCLXXXI

H. L. Q. C

D I S P V T A B I T

A V C T O R

CAROLVS HENRICVS SCHVVABE

NOSSENSIS

I. V. B. ET ADVOC. IMMATR

L I P S I A E

EX OFFICINA LOEPERIA



DE COLONIIS MERCATORVM
IN GERMANIA ET PRÆSIDIUM
IN SAXONIA

ILLVSTRIS ELECTORVM ORDINIS AVCTORITATE
P R A E S I D I U M

D. IOH. THEOPHILUS SEGERO

RECTORIS ACADEMIAE THEOLOGICAE VNIERSITATIS
ALMAE MATRICIS VNIERSITATIS

AD SANCTISSIMAS SCIENTIAS HONORIS
ET ADIUTVM

DISPUTAVIT
A. D. XVII. SEPT. AN. MDCCCLXXII

H. E. C.
DISPUTAVIT

AVCTOR

CAROLVS HENRICVS SCHVABE

NOBILIS
I. V. A. ET ABOVOC. IMMATR.

LIPSIÆ

ET OFFICINA LEBERII



DE COLONIIS IN VNIVERSVM

Hominum peregre aduenientium et nouas sedes collocantium multitudinem, aut assignato occupato ue districtu, aut legibus atque institutis, aut certe nationis suae nomine a caeteris aboriginibus non minus, quam a ciuitate, vnde exiit, discretam, coloniam appellamus. Id nomen Romani, a quibus acceptum est, territorii etiam atque oppidis, quae noui illi accolae tota obtinissent, nec non ob agri culturam fundis locatis, veluti colonorum nomen conductoribus, dederunt. (Cic. Philipp. II. cap. 40. Hyginus de limitibus p. 159. ed. Goes. Paullus cap. 24. §. 4. et cap. 54 §. 2. D. locat.) Fuere autem a primordio rerum hae potissimum causae, quae ad noua loca quaerenda mortales impellerent: habitationum ac nutrimentorum inopia, vis bellica, mercatura, religio. Neque enim aucto indies generi humano exiguus locus ad habitandum, nedum ager parvus ad fruges ex eo satis habendas suffecit, et mox exarsere bella, quibus singuli a singulis, familiae a familiis, quin constitutis ciuitatibus populi a populis propellerentur. Rerum

vero permutandarum necessitas et lucri ex negotio capiendi cupiditas profectioes in longinquas terras adeoque periculosa itinera per mare ipsum accelerauit. Postremo maior e commercii hominum rationis vsus multas de Deo diuinique numinis cultu dissensionem peperit, vnde acres contentiones exortae, inter quas alii nollent quaecunque sacra praeter sua institui, eadem que quamuis bono animo recusantes vel edicto vel moribus suis arcerent. Caeterum coloniae aut deductae sunt, aut sine duce, sine lege deductionis ob graues et communes patriam relinquendi et in delectum nouo domicilio locum migrandi causas originem atque incrementum habuere: Saepe etiam veteres coloniae renouatae et adscriptis nouis colonis completae. Quorum omnium rerum tot sunt in monumentis antiquitatum exempla, vt a nemine ignorari possint. Quas enim cultioris terrae partes Phoenicum, Graecorum, Romanorum coloniae non impleuerunt? De quibus hoc tantum dicere attinet, etsi Phoenices potissimum, deinde etiam Graeci passim, mercatura inclaruerunt, eorum tamen et veteres in vniuersum colonias non tam mercaturae, quam imperii, certe vtraque causa constitutas fuisse, vt rectius ea cum Anglorum, Gallorum, Hispanorum, Batauorum apud Indos coloniis comparare, quam iuri mercatorum, de quorum coloniis in Germania scribere instituimus, inde lucem affundere liceat. Carthaginenses atque Romanos, non semper etiam Graecos, colonias suas sub sua ditione ac potestate nunquam non habuisse, nuperrime ostendit doctissimus Anglus, cuius liber quantum pretii Germanice versus, nam Anglicum exemplar vsurpare nobis non contigit, titulum praefert: *Geschichte der Colonisirung der freyen Staaten des Alterthums angewandt auf den gegenwärtigen Streit zwischen Grosbritannien und seinen amerikanischen Colonien*, et cum quo conferri merentur erudita

erudita opera Sigonii de iure Italiae et prouinciarum et Spanhemii de orbe homano.

II

DE COLONIIS MERCATORVM IN GERMANIA GENERATIM

Haec vero de genere coloniarum praefari libuit, vt nominis et origo et ratio in coloniis mercatorum, quas Germania et praecipue Saxonia videt, perspiceretur. Scilicet hae coloniae sunt societates negotiatorum nationis alienae in aliquam Germaniae urbem communicato iure ciuitatis aut saltem incolatus et commercii admissorum. Alienae nationis vocabulo utimur, vt sensus angustior fit, quam peregrinitatis et gentis, quoniam ipsum Germanicum nomen propriis nationibus discernitur, et haec communis patria, Germania, populos diuersarum regionum continet, qui totidem ciuitates tanquam magnae ciuitatis partes et diuersas vnius gentis nationes constituunt, ipsas etiam in minores ciuitates pro numero urbium oppidorum que, quibus propriae ciuitatis ius est, descriptas. Qua ratione aduenae esse possunt in regione aliqua et tanquam alienigenae coloniarum iure censerentur, qui in alia regione nati sunt Germaniae ciues. Vtique hanc semper maiores rationem tenuerunt, vt in depopulatos agros Germanicas colonias immitterent quasi noua examina, et desertas regiones hominibus aliunde accitis complerent. Ne quid de ea aetate commemorem, qua migrandi et populos propellendi cupiditas omnem Europam atque Africae partem perturbauit ac miscuit; tamen eae etiam gentium migrationes omnes non sunt, nisi coloniarum deductiones; Conradus magnus e Vuettrino

Misniae et Lusatiae Marchio Francones in has regiones ad-
duxit. Flandrorum etiam eodem Sec. XII, aduenientium no-
men in pagis vulgo FLEMMINGEN appellatis passim durat et
Flandrici ac Franconici iuris Principe permittente in vsum
reventi haud obscura vestigia extant. (cf. *Schöttgenii Geschichte
Conrads des Grossen, Marggrafens zu Meissen und Lausitz p. 153.*)

III

DE COLONIIS GERMANORVM PRAECIPVE
EX INFERIORE GERMANIA HAMBVRGVM
ADVENTIVM

Sed propius ad haec tempora et ad rem nostram per-
tinet societas mercatorum ex inferiore Germania Hambur-
gum aduenientium. In quas illi leges olim admissi sunt, con-
ventio an. c1110cxxxviii., cum ante octo annos dies antiquio-
ris obligationis in quindecim annos contractae iam exiisset,
denuo in totidem annos inita apud Lunigium docet. (Arch.
Imp. P. Sp. Cont. III. Tom. I. p. 1132.) Nempe incolae
habentur, non ciues. Multa tamen priuata ciuium iura, in-
primis ius commercii cum hac cautione, ne merces minuta-
tim vendant, praeter ea immunitatem ab officiis et muneribus
personalibus, consequuti sunt. Tributa cuiusuis generis
et vectigalia ad libram siue gerania tanquam ciues pendunt.
Caeterorum vectigalium (*Land- und auerer Zölle*) causa
constitutum est. vt mercatores e ciuitatibus mercaturae causa
foederatis (*Hansestädtische Bürger*) de mercibus a tali inco-
la, pro eius libertate hospitibus eas vendendi, (*darinnen ihnen
mit fremden Gästen zu handeln zugelassen*) coëntis, praeter-
quam de panno candido Anglicano, non maius pendere de-
beant vectigal, quam de iisdem mercibus a ciuevenditis exigi
potuisset.

potuisset. Sed haec illi iura quindecim millibus marcarum Lubecensium pro modo descriptionis in singulos CLXVIII, qui tum paciscentium cum ciuitate Hamburgensi numerus fuit, quotannis redimere, Hamburgum etiam siue intra quindecim illorum, siue post illos intra duorum annorum spatium relicti duplam annui census soluere debent pro anno discessus. In has alias que conditiones, vti eae in laudatis tabulis scriptae sunt, accepti spondent (§. I) pacis ac tranquillitatis custodiam et magistratui ciuitati que Hamburgensi fidem, cum cautione tamen proximae legi (§. II) de pari ipsorum et ciuium censu de que generali obligatione eorum omnium, quae viros probos atque honestos deceat, notanter adiecta, se, quotquot aliis domi magistratibus subsint, horum iuribus nihil aduersum moliri, nec hoc pacto quicquam de iis detractum velle. Vicissim iis magistratus defensionem ac tutelam promittit et aequabile ius. Quod vero dicitur, quotquot aliis domi imperiis subsint, Principum et magistratuum suorum iura imminuere nolle, id tacitam exemptionem habet eorum, qui praeter peregrinos hanc societatem inirent et eadem lege viuere vellent. Nam ipsae tabulae nominant septem Germanos e superiore Germania (*sieben Teutsche und Hochteutsche*) ab istis ex Germania inferiore sodalibus bona gratia in societatem iuris sui admissos. Atque etiamnum Hamburgi, vbi haec cum aduenis ex inferiore Germania conuentio, nescio, an iisdem omnino legibus, renouata est et in hunc vsque diem durat, multos vel indigenas vel ex aliis regionibus oriundos iis adscribi accepimus. Ne vero in fraudem et detrimentum ciuitatis id fieri possit, partim in ipsis tabulis memoratis hac lege prospectum est, qua morientium sociorum viduabus et liberis, siue matrimonium ineuntibus, siue propriam negotiationem instituentibus ista defuncti viri vel patris conuentio non amplius proficit, sed

sed nouo ipsorum cum magistratu deputatis que ciuibus pacto ius affectati commercii obtineri debet. Delata autem focii hereditate ad collaterales iure ciuitatis Hamburgensis carentes, siue ipsi etiam focii sint, siue alibi domicilium habeant, fratres fororesque census defuncto aestimati quadruplam, vteriores cognati quintuplam cum censu proximi anni in remunerationem addendo soluere; at hac soluta custodes legis decimariae nec decimam, nec aliam pensionem, etiamsi exportentur hereditaria bona, exigere debent.

III

DE COLONIIS PALATINIS IN TERRIS
BRANDENBURGICIS.

Fallor, nisi e Palatinatu, Manhemio potissimum, in Brandenburgicas regiones aduenas inter Germanicas mercatorum colonias iure refero. Nam et horum maxima pars mercaturae faciendae locum quaesuit. Quanquam non ignoramus, multos ex iis ipsis aduenis eorumque posteris, qui in Brandenburgicis ditionibus coloniarum e Palatinatu (*Pfälzer-Colonien*) iure fruuntur, alias artes tractare. Illi in funestissimo bello Ludouici XIII. Galliae regis, quo hic Palatinatum armis asserere et commenticia Ducis Aurelianensis iura succedendi in terras fratris Caroli Electoris, ultimi e Simmerana familia Palatini, per iniustam cessionem in se translata firmare conatus est, deuastata patria, dirutis Manhemio et Francodalia, Electori Brandenburgico supplices facti sunt, et Manhemenses inprimis, gens migrationi assueti, quorum patres sacrorum causa inferiorem Germaniam eo ipso seculo dereliquerant, nouas in Brandenburgicis ditionibus sedes rogauerunt. Annuit precibus Elector, et nouas colonias munificentissimo priuilegio d. xv. Maii anno MDCLXXXVIII. lato, Myllique Corp. Constit. Magdeburg,
(P. VI.

(P. VI, N. XVIII. p. 98.) inferto ornauit. Maxima pars Magdeburgi, pars Halae, Calbae, Burgii et Stendaliae sedem fortunasque collocauerunt. Alii etiam post ea tempora Gallorum coloniis adscripti sunt, ex quo in Brandenburgicis regionibus constitutum est, ut quisque aduena Gallicarum coloniarum iure non secus, atque ipsi Galli, potiri possit. Nec initio his e Palatinatu minora, quam Gallis, iura concessa fuisse reperio. De iis vid. Dreyhaupt in Pago Neletici et Nudzici P. II. lib. xv.

V

DE SLAVIS. DE ITALORVM MERCATORVM COLO-
NIIS. DE COLONIA ANGLORVM
HAMBVRGENI

Primi mercatores peregrini, qui colonias in Germania condidere, si a Gallia Belgica discesseris, procul dubio Slavi fuerunt. Sed horum vrbes dudum Germanica ciuitate donatas hodierno coloniarum nomine nemo temere compellauerit. Serius eas ipsi Germani post victoriam de populo reportatam incoluerunt. Deinde Langobardi non paruo numero ad nos accedere mercandi causa. Quorum instituta adeoque ipsa vocabula quanquam negotiatores nostri ab eo tempore etiamnum retinent, hodiernae tamen Itolorum mercatorum coloniae per Germaniam, praeter paucas forte in finitimis Italiae regionibus, videntur recentioris originis esse. Anglorum celebris est colonia Hamburgi, cui similem non habet Germania. Tota enim omne ius Anglicanae ciuitatis retinuit, cum ipsa Londinensis societas mercatorum aduenturariorum Regis, quod proprium eorum quamuis non latinum nomen vsus commendat, negotiationis suae in Germania sedem sibi atque aliis mercatoribus Anglicae gentis hic constituerit. Legem conuentionis cum Senatu Ham-

B

bur-

burgensi tum an. c1010cx1 in itae, tum an. c1010cxviii. repe-
 titae et melius constitutae Lünigius exhibet in Archivio Imp.
 P. Spec. Cont. III. tom. I. p. 1096. et 1107. Qua ius com-
 mercii in hoc celebri Germanorum emporio Anglis tanta
 liberalitate concessum confirmatumque est, vt nec multa-
 rum rerum exemptiones factae sint, nec graue vestigal, sed
 pro quolibet panno Anglico solidus Lubecensis, pro aliis
 mercibus non plus, quam minimum telonium, quod vn-
 quam ante annum c1010lxvii. mercator Anglus solierunt,
 exigatur; in caeteris Angli aequali fere cum ciuibus Ham-
 burgensibus quoad vestigalium causas, ius ponderationis,
 vsum libripendis, atque immunitates quascunque mercatu-
 ram respicientes, conditione vtantur. Possunt etiam (forte
 ob vsum patriae linguae) proprios sibi proxenetas contra-
 ctibus adhibendos, mensores, complicatores pannorum et
 sarcinatorum siue ligatores aliosque tales necessarios mini-
 stros ordinare, sacramento tamen, quo officii probe et dili-
 genter administrandi fidem faciant, non tantum coram ipsis,
 sed etiam coram vrbsi Senatu astringendos, caeterum non
 minus, atque Angli mercatores, quibus ministrant, ab omni-
 bus vigiliis, stationibus, praesidiis et quibuscunque ciuium,
 incolarum, subditorum contributionibus liberatos. Prae-
 ter haec et alia iura ad commodiorem eorum vsum et ad
 conuentus sacrarum profanarum que rerum causa agendos
 data est ipsis domus cum priuilegio iuris municipalis, quae
 sumtibus Senatus facta testis habetur. In ea domo permis-
 sum iisdem est liberum exercitium suae religionis, praedi-
 cationis verbi Dei, administrationis sacramentorum, caete-
 rorumque ecclesiasticorum rituum lingua vernacula Anglica.
 Concessa etiam societati et mercatoribus Londini resi-
 dentibus facultas, virum aliquem grauem, qui gubernato-
 ris siue praefecti societatis in hac colonia vices gerat, illi
 prae-

præficiendi ei que alios seniores siue associatos et officia-
 rios ex suorum ordine adiungendi. Huic adeo præfecto,
 his Senioribus Senatus Hamburgensis, secutus aliarum ciui-
 tatum exemplum, (nam utique hic illic consulibus merca-
 torum id ius datum, atque ipsam iurisprudentiæ consularis
 nomen inde exortum) plenam suis ius dicendi et causas ci-
 viles atque politicas inter ipsos vtrinque Anglos litigiosas vel
 amica transactione componendi vel re quanto cyus cognita
 secundum consuetudines societatis definiendi dirimen-
 di que potestatem fecit. Vbi manu militari ad exe-
 quendum ea decreta atque ad compellendos et coercendos
 immorigeros opus est, magistratus vrbis gubernatori eiusue
 deputato et associatis assistit, pollicitus se cooperaturum esse,
 vt refractarius „si in ciuitate sua aut iurisdictione deprehen-
 „datur, obediat, et ad conformitatem obedientiam que de-
 „bitam deducatur, iuxta tenorem et effectum priuilegiorum a
 „Regia Maiestate Britanniae dictæ societati concessorum, fa-
 „tellites pro captura carceris, item et instrumenta punito-
 „ria sumptibus dictæ societatis præstando, vel aliter ex me-
 „rito pro arbitrio dicti gubernatoris eiusue deputati et asso-
 „ciatorum puniendo.“ Sed hac societatis potestate neque
 cognitio criminum, quorum poenas Senatus ex legibus,
 statutis et consuetudinibus suæ ciuitatis sumit, neque pri-
 vatarum rerum cum reo non suo disceptandarum arbitrium
 continetur. De his quidem Senatus in laudatis tabulis:
 „quotiescunque Anglus aliquis contra ciuem, incolam et
 „subditum nostrum aliumue quemlibet peregrinum, qui non
 „sit Anglus, nec ad eos spectet, iure experiri voluerit,
 „coram nobis hoc semper facere debet, — — exceptis ta-
 „men Ducatus Holfatiæ subditis, quos ibi ex concordatis
 „conuenire oportet, vbi domicilium habent, nisi hic in
 „ciuitate contraxerint, et se ibidem soluturos adstrinxerint.“

Actori autem volenti permittitur Anglum reum in hoc Anglico iudicio convenire. Quod si elegit, ibidem etiam causam prosequi et laudo siue sententiae profus acquiescere debet. Sin actor, siue ciuus vel incola, siue peregrinus, coram vrbis magistratibus agat, reus Anglus sine vlla tergiversatione in iudiciis illorum se sistere debet, atque tam actor, quam reus iure ciuitatis Hamburgensis vtuntur. Sed celeritatem iudicii, in quo Anglus agat, absque ulla, vbi debita certis atque incorruptis litteris probentur aut aduersarius omnia omnino confessus sit, ob exceptiones illiquidas mora, procuratoris, per quem litiget Anglus, prae aliis procuratoribus, ordine causarum non obseruato, admissionem, in deceptorum bonis inter concurrentes creditores diuidendis paria, quoties Angli mercatoris intersit, chirographorum vetustiorum et recentiorum, clausula bonorum obligationis munitorum et non munitorum iura, atque alia bene multa libertatis praesidia tum ciuiliu cum publicorum iudiciorum causa, si quis forte e sociis suis crimini implicetur, stipulati sunt Angli, digna lectu in ipsis tabulis, nec omnia tamen et singula a nobis ad colonias Gallicas properantibus prolixè commemoranda. Sane etiamnum sua domo vsque suorum sacrorum, iurisdictionis suae privilegio atque insigni libertate commerciorum Anglicana ista Hamburgi colonia fruitur, et magistrum curiae, quod nomen placuit, cum assidentibus iudicibus habet. Secretarii apud eam officio magnum nuper Germaniae decus immortalis Hagedornius functus est. Cuius vel sola memoria vnumquemque Germanum curiosum reddat in legibus atque institutis societatis copiosae et magnae mercaturae tam antiqua laude florentis.

DE COLONIIS MERCATORVM FRANCOGALLO-
RVM PRAECIPVE IN DITIONIBVS BRAN-
DENBURGICIS

Maxime Francogallorum agmina Germaniam impleuerunt. Cum enim Ludouicus XIII. Francogalliae rex Reformatos in suo regno immaniter perfequeretur, magno que eorum numero partim per inopiam et molestias ad abiuranda sua sacra permoto, partim immisissis dimachis ad Romanos ritus compulsio, tandem Nannerense edictum suis antea constitutionibus confirmatum, quo Henricus III. religioni ipsorum cauerat, cum simulatione fidei Romanis decretis in vniuerso regno adhibitae aboleret, precibus frustra tentatis, spretis etiam maximorum principum intercessionibus, postremo miseri eo desperationis adacti sunt, vt, dum elabendi via pateret, (quanquam illa etiam multis artibus impedita, denique praesidiis obstructa et interclusa,) fuga salutem apud externos, praecipue Anglos, Germanos, Batavos quaerent, per que eam calamitatem magna pars Gallicarum copiarum et artium, felici patriae fato, in Germaniam nostram adduceretur. Primas profugis suppetias et liberalissimam in ditiones suas receptionem d. XXVIII. Octobr. an. MDCLXXXV proposito vulgatoque palam edicto sapientissimus Fridericus Gulielmus, Elector Brandenburgicus, obtulit, delegatis etiam, qui itineri necessaria procurarent et aduenis consilio et ope assisterent. Praecipue in Marchia Stendaliam, Vuerbenam, Ratenauiam, Brandeburgum et Francofurtum, in ducatu Magdeburgico Magdeburgum, Halam et Calbam, in Borussia Regiummontem ob annonae abundantiam ac moderatum pretium atque opportunitatem commercia exercendi

commodissimas fore ostendit. Ibi de hospitio aduenis prospectum, atque, vt humaniter excipiantur, dispositum esse. Placere tamen, si qui etiam alias fortunarum suarum sedes in ditionibus Electoris eligant. Vbicunque domicilium fixerint, iura ciuitatis gratis concedenda cum vsu beneficiorum ac iurium, quibus alii eius loci incolae ac nati ciues fruuntur. Igitur et albinii, id est, peregrinitatis iure ac similibus oneribus, quibus exteri alii in regnis ac rebus publicis obnoxii agant, eos eximendos atque omnino pari iure cum indigenis habendos pronunciauit. Gallorum inter se controuersias in oppidis, vbi plures Gallicae familiae habitent, arbitrum ab ipsis e suo numero lectum, sine strepitu iudicii, amice compositurum: concordia frustra tentata, eas lites atque omnes Gallorum cum Germanis controuersias magistratum loci et quem Gallica natio arbitrum sibi elegerit, iunctim cognituros esse ac decisuros. Denique quod potissimum quaerebatur, in quouis oppido concionatorem publicis sumtibus atque assignationem idonei loci, in quo sacra Gallorum idiomate et ritu haecenus in ecclesiis reformatis Gallicanis vsitato fieri possent, promisit. Adiecit varia immunitatis partim perpetuae, partim in sexennium concessae priuilegia, eorumque omnium iurium etiam eos, qui ante publicatum edictum ob persecutiones religionis e Gallia profugi in suas se prouincias contulissent, participes reddidit. (v. Pufendorfius de rebus Friderici Guilielmi lib. XVIII. §. 17. atque ipsum edictum in Myllii Corp. Const. Magdeb. P. VI. n. IX. p. 77. *add. Histoire de l'Establissement des Francois réfugiés dans les Etats de S. A. E. de Brandenbourg par David Ancillon. à Berlin 1690.*) His atque adeo laucioribus conditionibus mox aduenere millia profugorum, vt, nouo etiam dirae vexationis in principatu Arausionensi orto incendio, et cum Heluotorum sedes multis, qui se illuc rece-

pissent,

pissent, haud commodae viderentur, sub seculi huius initium
 tredecim millia aduenarum e Gallia profugorum supra ducen-
 tos in territoriis Brandenburgicis numerarentur. Nec in
 promissis substitit Friderici Guilielmi magni et successorum eius
 liberalitas, sed Gallicarum coloniarum priuilegia tubinde
 etiam auxit et ampliauit. Fridericus I. Borussiae rex
 omnia et singula natorum ciuium iura ipsis largitus est edi-
 cto d. XIII. Maii an. cioroclviii. proposito. Eius filius Fri-
 dericus Guilielmus celebri lege d. xxviii. Februarii anno
 ciorocccx. lata, cuius capita recenset Dreyhaupt. in pago
 Niletici et Nudzici (*oder Beschreibung des Saalkreises* P. II.
 lib. XV. cap. 2.) vetera priuilegia renouauit, nonnulla ad-
 iecit. Nouis aduenis concessa immunitas in xv. annos,
 praeterquam ab accisis de rebus consumendis. Colo-
 niae suis iudicibus et iudiciis, in quibus etiam de
 causis capitalibus iudicatur, instructae atque a Ger-
 manorum magistratuum et iudicum potestate, quibus cum
 enatas controuersias ordinationes II. Ian. an. ciorocccii. et
 viii. Iul. an. ciorocccvii. publicatae e medio sustulerunt,
 ita exemptae, vt politicae duntaxat, aedificiorum, cocturae ce-
 reuisariae ac similibus de causis Germani magistratus, consi-
 lio iudicum Gallicorum adhibito, iis imperare possint. A
 coloniarum iudiciis ad superius tribunal Francogallicum Be-
 rolini constitutum prouocatio est, nec extrema sententiarum
 reuisto supremo appellationum iudicio, nisi adhibitis duo-
 bus Francogallicis harum reuisionum causa a Rege nomina-
 tis consiliariis, permitta. Ob vsum Gallicanae olim ecclesia-
 rum Reformatarum disciplinae proprio etiam magistratui
 ecclesiastico subsunt, qui, pro delegatorum nomine (Com-
 mission ecclesiastique) ab an. ciorocclxiiii. gesto, anno
 cioroccc. supremi consistorii Gallicani nomen et dignitatem,
 additis nouis consiliariis, obtinuit. Publicae coloniarum
 Galli-

Gallicarum omnium causae supremo consilio Francogallico (Conseil François, *französischem Oberdirectorium*) demandatae, cui praepositus Comes Consistorianus, ad quem ea pars rei publicae administrandae atque scrinii Gallicani (departement François) magisterium pertinet, qui ipse etiam acriario ciuili Gallicano (*der französischen Civil-Etats-Casse*) praefectus est. De quibus omnibus in regia Berolinense ordinatis collegiis scite et diligenter tradidit Nicolaus, vir clarissimus. (*in Beschreibung der königlichen Residenzstaedte Berlin und Potsdam* Tom. 1. Sect. III. p. 256. 257. Conferatur Recueil des Edits, Ordonnances Reglemens et Rescripts contenant les Priuileges et les Droits attribués aux François réfugiés dans les Etats du Roi de Prusse, a Berlin 1752. et Mylii Corp. Const. March. P. VI. vbi omnes de his Gallicis coloniis leges praeter recentiores reperiuntur). Non parua hae coloniae incrementa habuerunt ex eo, quod dudum, quiqui ex quacunque patria religionis causa expulsi essent, iis adscribi potuerunt. Sed quod hodie omnes aduenae, nullo gentis et sacrorum discrimine habito, fixuri in Regis Borussiae terris domicilium, Gallicae coloniae forum eligere et Gallicorum iudicum potestati se subdere possunt, id non eam habet vim, vt caetera quoque priuilegia et beneficia religionis causa refugis data ad eos pertineant. Quia quibus ea conditionibus obtineri debant, d. vii. Iulii an. c^{mo}ccclxxii. Rex definiuit singulari edicto. Pariter ex dictis liquet, non omnes ex Gallia refugos in istis coloniis mercatores esse. Nam et nobiles et ignobiles, opifices et agricolae aduenerunt, et his quoque singularia priuilegia, fundi, aedes, immunitates, dignitates et officia, atque commercia praediorum nobilium, pro status diuersitate, non secus, atque indigenis impertita. Sed qui Berolini et in vrbibus ab ipso Friderico Gulielmo magno ob commerciorum oppor-

opportunitatem laudatis, aliis que mercatibus sedent, eorum potissima pars vtiq; mercaturam facit, et multa vndique, maxime e finibus Gallorum, apportat, imo ipsum Francogallicum mercium atque artium tractandarum ingenium secum in Germaniam attulit, et meliorem vrbibus cultum, vnde noua fere rerum facies orta, induxit. Etiam Sedini in Pomerania an. 1510. rex Fridericus Guilielmus incluram Gallorum coloniam condidit, quae numero et flore alteram in altera Ducatus parte Stargardiae constitutam per loci opportunitatem superauit. De ea videatur Bruigemannus, vir de patria sua atque de omnibus, quibus rerum civilium prudentia cordi est, meritissimus in excellenti libro de hodierno statu Pomeraniae Prussicae (*Ausführliche Beschreibung des gegenwärtigen Zustandes des Königl. Preussischen Herzogthums Vor- und Hinter-Pommern* Tom. I. p. ccxxxi. et p. 136.)

VII

DE ALIIS GALLORVM IN GERMANIA COLONIIS

Non vero rerum incuriosi aut opum atque artium augendarum, dum ea in Gallia verterentur, inconfulti fuerunt caeteri Germaniae principes ciuitates que. Sed aliis religio ob infelix Euangelicarum ecclesiarum discidium, aliis vicina Gallorum atque ipsa temporum calamitas obfuit, ne intra suos fines stabilis et perpetua sedes refugis vel concederetur vel quaereretur. Florent tamen Francofurti ad Moenum, Erlangae, Cassellis, Hanouiae, Hanouerae, Cellae, Brunsvici, Hamburgi, Altonae, ne quid de Offenbacensibus, Neoysemburgicis atque aliis dicam, Gallorum mercatorum coloniae, de quibus in vniuersum tenendum est, vbi id per sacrorum et iuris rationes licuerit, iure ciuitatis eas donatas esse; in caeteris locis iure incolarum et sociorum haberi, priuatorum que fere sacrorum iuribus frui. Multa

C

tamea

tamen iura, quae apud Euangelicos Augustanae confessioni addictos consistoriis data sunt, ex antiqua ecclesiarum Euangelicarum, maxime reformatarum in Gallia, disciplina Presbyteri administrant. Quod collegium, eius disciplinae sensu, consistorium passim ab his Francogallis nostris vocatur, nomine in alium significatum detracto, quam quo apud nos venit. Vnde perniciosi interdum errores et altercationes exortae, quarum saepe materia omnis hac vna obseruatiuncula tolli potest. Quem ad modum ab illustri Praeside relatum accepi, sibi ea olim animaduersione in responso, quod amplissimus I. Ctorum Ordo quaerenti cuidam viro reuerendo dederit, vnice opus fuisse. Qua vero ratione in terris Brunsvico Luneburgicis omne regimen ecclesiasticum et rerum ecclesiasticarum administratio penes ista reformatarum ecclesiarum, et quo modo ipsa sub synodis sint, perillustris Pufendorfius explicat. (Obs. iur. vniuers. tom. III. obs. 99.) Cum quo conferendus illustris Selchouius iuris priuati Brunsvico-Luneburg. (*Braunschweig. Luneb. Privatrecht.*) P. II, cap. I. sect. 3. Hamburgi et Francofurti ad Moenum priuatorum sacrorum, adhibito pastoris ministerio, conuentus agere coloniis istis Gallicanis in vrbe non licet, nisi quod Hamburgi reformatae ecclesiae addicti priuatis legati Hollandici sacris cum eius venia vti possunt. Ipsi quidem Altonensis ecclesiae sodales se profitentur. Francofurtenses in proximo Hanouicae ditionis vico Bockenheim sacris vtuntur.

VIII

DE COLONIIS FRANCOGALLORVM IN SAXONIA

Facile potuisset Saxoniam has colonias Francogallorum tantum non omnes ad se perducere, nisi huic consilio religio et magnarum calamitatum memoria ex mutuis diuersarum

rum scholarum Euangelicarum contentionibus obfuisse. Inuidiosum de Principibus nostris, in quorum tempora incidit ista Francogallorum migratio, iudicium ferunt, quibus illi nimis attenti ad populi sui voces et nescio quorum malorum suspiciones fuisse videntur. Boni principis est, nihil contra publicas leges conuentiones que admittere et parcere ciuium suorum religioni. Tot millia hominum inter nos collocari non potuissent, nisi mutato ecclesiae statu, de cuius integritate inter Principem populum que conuenerat. At quam prono animo D. Augustus II. in profugos Franco-gallos fuerit, luculentis rerum ipsarum testimoniis apparet. Cum plures non posset, quas exiguo numero Dresdae Lipsiaeque constitutos haberet, ab omni iniuria tam fortiter ruitus est, vt, quoniam in eadem sententia perseverantissimos successores habuit, nulla re magis videar mihi conciliare posse lectorum beniuolentiam, quam adiiciendis libello rescriptorum exemplis, quae eam optimorum Principum liberalitatem aduersus mercatores Francogallos et in tuendis illorum sacris aequitatem declarent. Igitur iam anno huius seculi primo priuatorum sacrorum ius et ministrorum verbi diuini adhibendorum potestatem fecit, deque ea re ad sanctiorem Senatam rescripsit. Non potui mihi temperare, quin verba, quibus scripturae meis oculis vsurpatae fidem fecit Beichlingius Comes, primarius Regis in sanctiori consilio Status publici tum administer, epistolae illi (in appendice I.) subiicerem. Fuit enim inprimis Beichlingius huius priuatae ecclesiae stator et diligentissimus apud Regem patronus, quem primum etiam in aedes, in quibus praefectus Principis ius dicit, eam deduxisse accepimus, et vt regia tandem auctoritate Reformatorum sacra in iis stabilirentur, precibus suis effecisse. Seruat rei antea factae memoriam constitutio III., et ipsa seriae adhortationis sub epistola

I. adscriptae grauitas aequissimum Beichlingii animum erga dissentientes testatur. Inter ea, dum sacra sine loco concessa essent, haec primum in priuatis aedibus acta Lipsiae, deinde, Senatu plebis suspicionem verente, forte etiam iniuriam multitudinis et nouorum sacrorum quamuis priuatorum violationem metuente, (nam haec sine dubio causa precum in rescripto III. memoratarum viris doctis et cordatis fuit) Volmaridorpium prope urbem translata sunt, et huic translationi non tantum subiuncta constitutio II. auctoritatem fecit, sed vidimus etiam magni amoris fauoris que plenissimam epistolam ab eodem indulgentissimo Rege Volmaridorpii domino Thummelio, viro auitae nobilitatis, scriptam, vt eum in bona erga refugos voluntate condignis laudibus confirmaret et de sua tutela certum esse iuberet. Mox reuocata haec sacra in aedes, vt diximus, praefecturae, iussu praefecto idoneum locum concedere d. xxviii. Jul. an. criocccvii. (No. III.) Qui nuper etiam amplius fuit epitonioque ornatus, tum ob reformatorum numerum, tum ob aliorum in concione frequentiam, vtriusque oratoris sacri (nam vnus loco nunc duo, alter Gallici, alter Germanici sermonis causa habentur) graui eloquentia et sanctitate adductam. Etenim hoc tempore nihil a maleuolorum vocibus magistratui vrbis metuendum erat. Igitur aedes mercatui in nundinis destinatae his sacris agendis haud grauate permittebantur. Nec tamen quicquam contra publicas conuentiones admissum, sed omnino priuata haec sacra: igitur etiam parochis vrbis (N. 1.) de iuribus et redditibus suis prospectum. Neque epitonii vsus a principe indultus publicum religionis exercitium arguit, quam opinionem retudit illustris Praefes disp. de finibus potestatis ecclesiasticae regundis per eam opportunitatem conscripta. Presbyteri pastoribus adhibitis
rei

rei ecclesiasticae curam agunt, sed nulla in iis iuris dicendi, nedum a legibus publicis soluendi potestas. Nam de sponalibus et matrimoniis Reformatorum consistoria Principis cognoscunt, eadem que lege, qua Evangelicos immutatae Augustanae confessioni addictos, ipsos iudicant, siue de nuptiis cognatorum, siue de dissolutione sponalium aut diuortio agatur: sicut etiam tempora clausa, vt ecclesiastico verbo vtar, ex rescripto Augusti II. Regis ad Senatum ecclesiasticum (N. III.) ab iisdem obseruari debent. Potest tamen hic Senatus iis legibus eos soluere, a quibus soluendi potestatem accepit. Nec aliter cum Dresdensi colonia, quam cum Lipsica, agitur. Nuper cum pastores ecclesiae reformatae Dresdenses (nam et illic iam duo sunt) a foro magistratus oppidani exemptionem impetrauissent, Serenissimus Princeps Elector eandem ab huius ciuitatis iudicio Lipsiensibus et cantori concessit, vtrobique praefectum iudicem horum Ecclesiastarum constituens; quanquam, si quis Lipsiae priuilegium fori academici consecutus sit, Principem, cuius liberalitas plenissime intelligenda est, id hac ipsi lege ademtum nolle existimem. Haec de sacris coloniae. Proprios ea iudices non habet, sed quisque forum domicilii, aut quod ex contractu vel ex priuilegio sortitus est, sequitur. In negotiatione facienda hic modus, vt mercatoribus minutim vendentibus, qui heic Lipsiae collegii ius habent, (*Cramer-Immung*) adscribi non possint; copiosam et magnam mercaturam eadem, qua ciues, libertate exercent. Nam cum antehac pro pondere mercium ad libram exactarum non nihil; (*Waagepflicht*) accisorum autem de pretio importatarum mercium nomine (*Landaccise*) aliquanto plus, quam ciues, soluere tenerentur, D. Augustus III. Rex d. viii. Decembris an. MDCCCLXI. vtrumque in posterum fieri vetuit, et quae N. V. subiunximus, Senatui Lipsiensi rescriptit.

Quae plena clementissimi amoris epistola luculentissime aperit pectus Principis, nolentis fidissimos homines, licet proprio tam Saxonicae, quam Lipsicae ciuitatis iure sacrorum causa carentes, in vlla re pro peregrinis haberi et emolumentorum commodorum que, quae patria sine iuris publici detrimento largiri queat, participes non esse. Sunt enim ciues Germaniae et socii nostri, optimum maximum sociorum ius constantia amoris in communem patriam Saxoniam meriti, quanquam a commercio praediorum et a iure munerum, magistratuum, collegiorum, quod ciuibus Saxonis stricto verbi sensu proprium est, exclusi. Caeterum Reformati omnes, cuiuscunque sint nationis, his Francogallis adscribi possunt et solent.

VIII

DE COLONIIS ITALICIS IN SAXONIA

Eadem fere priuilegia Italarum sunt. Nam et in iure librae immunitate ciuium, vt Francogalli, gaudent, et acciforum nomine de aduectis mercibus plus, quam ciues et Francogalli, non soluunt. Hanc D. Augustus III. d. II. Dec. an. MDCCCLXIII. ipsis immunitatem fecit. (N. V.) Heic atque Dresdae tantus eorum numerus est, vt coloniam appellaueris, cui omnes mercatores Catholici similem mercaturam instituentes adscribuntur. Proprios sacerdotes non habent, sed sacris, Dresdae in aula, Lipsiae in castello, Principis vtuntur.

Graeci vtrum Vindobonae aut vsquam in Germania veram coloniam condiderint, non dixerim. Nihil enim certi comperi. Iudaeorum vero societates ob priscam gentis in Imperio seruitutem coloniarum nomine venire vix solent.

RESCRIPTA
QVORVM IN LIBELLO MENTIO FIT

I

Friedrich August, König und Churfürst &c.

Wir haben denen Reformirten Kaufleuthen in Leipzig auf deren hier beygefügetes allerunterthänigstes Suchen, und umb derer von ihnen angeführten, auch anderer bewegenden Ursachen, insonderheit umb Beförderung ihrer Commerciën willen, das privatam Exercitium Religionis Reformatae Kraft dieses dergestalt verstatet, daß dieselben, und welche sich nach Leipzig wenden möchten, auf ihre Unkosten einen oder mehr reformirte Prediger annehmen, durch selbten die Trauungen, wenn beyde Theile Reformirte, verrichten, auch solchenfalls die Kinder taufen, Patienten besuchen, und insgemein den Gottesdienst mit Predigen, Singen und Beten, Auspendung des heil. Nachtmahls und andern geistlichen Verrichtungen, ungehindert exerciren lassen mögen; Jedoch dieses alles also, daß es nicht publice, sondern in einem Privathause geschehe, auch zu keiner Consequenz oder Praejudiz gezogen, auch denen Stadtgeistlichen an ihrer Gebührn hierdurch nichts entnommen, sondern denselben von allen Taufsen, Hochzeiten, Begräbnissen und dergleichen das behörige jedesmahl zugleich entrichtet werde.

Wie Wir denn auch gnädigst zufrieden sind, daß ihnen gegen gebührende Abfindung ein gewisser Platz auf dem Gottesacker angewiesen, und dahin die Todten, obgleich nicht mit den sonst gewöhnlichen Leichenprocessionen und Ceremonien, dennoch in Begleitung zweyer oder dreyer Kutichen deren Nächsten Anverwandten zu begraben nachgelassen werde.

Wir

Wir befehlen demnach gnädigst, ihr wollet hierzu behöriger Orten die benöthigte fernere Verfügungen ergehen lassen, damit solches alles zu Wercke gerichtet, die Supplicanten auch im übrigen bey ihrem Handel und Gewerbe ruhig gelassen und geschützet, auch sonst ungewöhnlich nicht grauiret werden mögen.

Daran *Es.* Gegeben Warschau den 25. Julii 1701.

Augustus Rex.

(L. S.)

An

Geb. Raths Dir und Geb. Rath
zu Dresden.

Dafs vorstehende Copia dem allergnädigsten Original-Rescripte in allen gleichlautend, wird hiernit unter meiner Hand und Siegel attestiret, die Obrigkeit aber hiesiger Orts nochmals ermahnet, solchem in allen gebührend nachzuleben, erwehnte Reformirte ihres Schutzes nachrücklich genießen, und zu deren Bekränkung oder Nachtheil nichts geschehen zu lassen.

Leipzig, den 23. May 1702.

(L. S.) W. D. Graf von Reichling.

II

Allergnädigstes Decret wegen des reformirten Gottesdienstes zu Volkmarshorff.

Wir Friedrich Augustus, König in Pohlen *Es.* und Churfürst zu Sachsen *Es.* Urkunden und fügen hiermit zu wissen. Demnach der Rath zu Leipzig bey Uns allerunterthänigst suppliciret
und

und gebethen, das *Exercitium Religionis*, so *Wir* denen in jetztgedachter Stadt sich befindenden Reformirten allergnädigst vergönnet, in so weit zu cassiren, daß ihnen nicht gestattet seyn möchte, solcher in denen unter ihre *Jurisdiction* gehörigen Plätzen zu exerciren, und *Wir* solchem ihrem allerunterthänigsten Suchen allergnädigst deferiret; So geben *Wir* nunmehr erwehnten Reformirten kraft dieses aus bewegenden Ursachen anderweitig die Erlaubniß, das *Exercitium* ihrer Religion an einem außer des *Raths Jurisdiction* gelegenen Orthe, und zwar auf unsers lieben und getreuen *George Heinrich von Thümmel*, Königl. Preuss. Cämmerers *Rittergute Volkmarisdorff*, auf *Arth* und *Weise*, wie in vorgedachter Unserer erstern *Concession* sub dato *Warschau* den 25. *Julii* 1701. mit mehrern enthalten, frey und ungehindert zu üben, dergestalt, daß sie auf ihre Unkosten einen oder mehr reformirte *Prediger*, welchen ihre *Wohnung* in *Leipzig* hiermit zugleich verstatet wird, annehmen, durch selbige die *Trauungen*, wenn beyde *Theile* reformirt, verrichten, auf solchen Fall die *Kinder* taufen, (wie wohl dieses auch im *Nothfall* in *Leipzig* geschehen kann) *Patienten* besuchen, und insgemein den *Gottesdienst* mit *Predigen*, *Singen*, *Beten*, *Haltung* der *Communion* und andern geistlichen *Verrichtungen* ungehindert exerciren lassen mögen: *Wie Wir* dem auch gnädigst wollen, daß ihnen in *Leipzig* gegen billige *Abfindung* ein gewisser *Platz* auf dem *Gottesacker*, allda ihre *Todten*, obgleich nicht mit dem sonst gewöhnlichen *Leichenproceffionen* und *Ceremonien*, dennoch in *Begleitung* derer *Anverwandten* mit zwey oder drey *Kutschen* begraben zu lassen, angewiesen werde. Und weiln das *Haus* zu *Volkmarisdorff* nicht allerdings so *ausgebauet*, daß sie darinnen das *Exercitium* ihrer Religion jetzo gleich *treiben* könnten, so sind *Wir* gnädigst zufrieden, daß dieses bis dahin in *Unsrer Stadt Leipzig* geschehe. *Allermassen*

Wir nun beständig geneigt seyn, die Impetranten den Effect dieser Unserer gnädigsten Concession völlig genießen zu lassen, und nicht zu verstaten, daß man sie darinnen beeinträchtige oder hindere, oder ihnen das geringste Leid, wenn sie nach gedachtem Volkmarisdorff hinaus oder hereingehen oder fahren, oder in Leipzig in einem Privathause zusammen kommen, zufüge: Als ergeth hiermit an Unsere sämtliche hohe und niedrige Civil- und Militärbediente, wie auch Confistoria und Rätthe it. Städte und Amtleute Unser gnädigster und ernstler Befehl, sie wider alle diejenigen, so sich dergleichen etwa unterstehen wollten, auf Vorzeigung dieses kräftigst zu schützen. Insonderheit aber befehlen wir auch vorerwehntem Rathe zu Leipzig hiermit gleichfalls ernstlich, mehrberührte Reformirte bey ihrem Handel und Gewerbe in Leipzig geruhig zu lassen, und sie nicht wider die Gebühr zu grauiren. Gleichwie Uns auch zu sonderbarem gnädigsten Gefallen gereicht, daß vorgedachter Thümmel denen Reformirten ein Haus unter seiner Invidiction zu Volkmarisdorff zu Uebung ihrer Religion eingeräumt; Also hat derselbe sich auch Unsers Schutzes und Protection zu versichern, und sich allemal immediate an Unsere hohe Person zu adressiren, wann ihme dieserhalb einiger Unfug wider Vermuthen zugefüget werden sollte. Zu Urkund haben Wir dieses eigenhändig unterschrieben, und mit Unserm Königl. Insegel bedrucken lassen. Geben Krackau am 18. Novembr. 1704.

(L. S.) Augustus Rex.

III

Von Gottes Gnaden Friedrich August König und
Churfürst.

Lieber Getreuer, Nachdem Wir in allergnädigster Erwägung der von denen zu Leipzig der Evangelisch Reformirten Religion zuge-
thanen

ihnen Französischen Einwohner bey dem ihnen aufferhalb der Stadt erlaubten Gottesdienste bis dato erwiesenen Sittsamkeit das gethane inländigste Ansuchen den Gottesdienst, wovon sie sonst öfters, und insonderheit die Wohlbetagte zumahlen bey schlimmem und unbequemem Wetter, mit Beschwerde ihres Gewissens abgehalten würden, in der Stadt zu erlauben, Uns dazu allergnädigst entschlossen, und Unsere allergnädigste Willensmeynung ist, das ihnen zu weiterer Uebung ihres Gottesdienstes in Unsern in der Stadt Leipzig an der Ecke der Closterstrasse gelegenen und sogenannten Renthereyhause die darzu bequeme Gelegenheit, inmassen sie solches vor einigen Jahren schon inne gehabt, wieder eingeräumt werde;

Als befehlen Wir euch demnach gnädigst, ihr wollet sothanen Evangelisch Reformirten Französischen Einwohnern zu sicherer und bequemern Uebung ihres Gottesdienstes in itzt gedachtem Unsern Renthereyhause solche Gelegenheit wieder anweisen, und räumen lassen, auch Sie in allewege dabey kräftigst schützen. Woran ihr Unsere allergnädigste Willensmeynung zu vollziehen wissen werdet. Gegeben Dresden den 28. July An. 1707.

Augustus Rex.

An den Creis-Beamten
zu Leipzig.

IIII

Friedrich August, König und Churfürst &c.

Würdige, Veste, Hochgelahrte, Rätke, liebe andächtige und getrene,
Wir haben auf euern untern 28. Oct. 1716. erstatteten untertänigsten Bericht wegen der denen zu Leipzig sich aufhaltenden Reformirten beygemessenen Anrichtung eines besondern Consistorii, wie auch wegen ein und anderer Eingriffe in das Jus dispensandi und sonst, durch den Creysantinnam zu Leipzig Erkundigung einziehen lassen,

* 3

und

und darauf den in Abschrift hier beygefügten Bericht sammt der ebenfalls copylich angeeschlossenen im Nahmen derer Reformirten zu Leipzig abgefasseten unterthänigsten Vorstellung erhalten.

Ob Wir nun wohl geschehen lassen können, daß bey diesen Umständen wider mehr besagte Reformirte, so lange sie sich in denen vorgeschriebenen Schranken halten, nichts vorgenommen oder verhänget werde, so ist doch darneben unser gnädigster Befehl, ihr wollet sie durch gedachten Creysamtmanm bescheiden lassen, daß ratione der verbotenen Zeiten und in andern Punkten sie sich in Zukunft der Kirchenordnung dieser Lande gemüß bezeigen. An dem geschieht Unser Wille mit Meynung. Und Wir ꝛc. Geben zu Dresden am 20. Febr. An. 1722.

An das Oberconsistorium.

V

Von Gottes Gnaden Friedrich August König in Pohlen
Herzog zu Sachsen, Jülich, Cleve, Berg, Engern
und Westphalen ꝛc. Churfürst ꝛc.

Liebe Getreue, Bey Uns haben die Französischen Schutzverwandte Kaufleute zu Leipzig seit geraumer Zeit über die Ungleichheit, womit sie in den Land - Accis - und Waageabgaben gegen sowohl die dahin handelnden fremden, als die äßige bürgerliche Kaufleute bisher behandelt worden, unterthänigst Beschwerde geführt. ꝛc.

Nachdem Wir aber ermeldte Französische Negotianten nicht als Fremde, sondern, da sie ihren wesentlichen Aufenthalt zu Leipzig haben, und Unsern Landen durch die mannichfaltigen Arten ihres Handlungsbewerbs, welchen sie zudem in gutem Flor und Umtrieb zu erhalten sich mit eigner Fähigkeit beifern, besonders nutzbar sind, hierüchft auch

10

in allen gemeinen Lasten, ordentlichen und außerordentlichen Beschwernungen zur Mildeidigkeit gezogen werden, und daher einen billigmäßigen Anspruch an die Gleichstellung in denen das Commercium angehenden Abgaben mit den bürgerlichen Handelsleuten haben, eben also, wie Unsere übrigen Landesinwohner und Unterthanen betrachten, und Unsere Landesväterliche Sorgfalt auf die Beybehaltung dieser Französischen Colonie &c. desto mehr gerichtet seyn lassen; Als haben Wir dieses um so eher zu bewirken, und denen über obangeregte Ungleichheit angebrachten Klagen sonder fernern Anstand abzuhelfen, die wohlbedächtige Entschliesung gefasset, die Französischen Schutzverwandten Kaufleute zu Leipzig von nun an und fernerhin immerdar denen bürgerlichen Kaufleuten daselbst bey der Landaccise und Waage durchgehends gleich tractiren, fölglich von jenen eben also, wie von letzteren 1 thlr. 1 gl. von jeden 100 thlr. des Werths derer eingehenden Waaren an Landaccise erheben, hingegen selbige nicht minder als die Bürger von Abstattung der Waagepflicht gänzlich frey zu lassen. Und ob Wir wohl solchergestalt an Unserer Portion, und ihr bey euren Antheilen dadurch einige Einbuße derer Waageeinkünfte erleidet; So ist jedoch nächst dem, daß mehrerwehnten Französischen Schutzverwandten Einwohnern zu Leipzig die Billigkeit selbst das Wort spricht, hierbey in Erwägung zu ziehen, daß mit deren Wegwendung von dar nicht allein sothane und andere mehrere Praestationen und Zugänge, sondern auch hauptsächlich ein beträchtlicher Theil des auswärtigen Commercii verloren gehen würde. Wannhero hierdurch Unser Begehren, ihr wollet, daß in dessen Conformität, die Französischen Schutzverwandten Kaufleute in Leipzig von der Waagepflicht, gleich dasigen bürgerlichen Kaufleuten, gänzlich freygelassen werden, gehörige Veranstatung treffen.

Darzu

Daran geschiehet Unser Wille und Meynung. Geben zu Dresden am 8ten Decembr, 1762.

An den Rath zu Leipzig
dass die Französischen Schutzverwandten Kaufleute zu Leipzig, von nun an und fernerhin gleich dasigen bürgerlichen Kaufleuten von der Waagepflicht gänzlich frey zu lassen.

VI

Von Gottes Gnaden, Friedrich Christian, Königl. Prinz in Pöhlen und Litthauen &c. Herzog zu Sachsen, Nülich, Cleve, Berg, Engern und Westphalen &c. Churfürst &c.

Liebe Getreue, Wir sind von denen in dem copeylichen Anschlusse benannten Italienischen Handelsleuten zu Leipzig unterthänigst angegangen worden, ihnen gleiche Gnade, als der dasigen Französischen Reformirten Colonie ohnlängst wiederfahren, ebenfalls angedeihen zu lassen, und dass sie auf der Waage allda der Bürgerschaft und gedachter Französischen Colonie durchgehends gleich gehalten würden, das erforderliche zu verfügen. Nachdem Wir nun vorermeldte Italienische Kaufleute, wie in allen oneribus personalibus, also auch bey der Waagepflicht, denen Bürgerlichen und Französischen Schutzverwandten Handelsleuten vollkommen gleich behandelt wissen wollen; So ist hierdurch Unser Begehren, ihr wolleet euch gehorsamst darnach achten, und dem gemäß wegen gänzlicher Freylassung der Italienischen Handelsleute in Leipzig von der Waagepflicht, das behörige gebührend veranstalten. Daran geschiehet Unser Wille und Meynung. Geben zu Dresden am 2. Dec. 1762.

An den Rath zu Leipzig
dass die Italienischen Handelsleute zu Leipzig sowohl in Ansehung der Waagepflicht, als sonst, den dasigen Bürgerlichen und Französischen Kaufleuten durchgehends gleich behandelt werden sollen.

Leipzig, Diss., 1781

ULB Halle

3

005 361 443





9264. 1781, 13.
**DE COLONIIS MERCATORVM
IN GERMANIA ET PRAECIPVE
IN SAXONIA**

ILLVSTRIS I. CTORVM ORDINIS AVCTORITATE

P R A E S I D E

D. IOH. THEOPHILO SEGERO

EIVSDEM ORDINIS ET SVPREMAE IN PROVINCIA CVRIAE

ASSESSORE ATQVE ANTECESSORE ORDINARIO

V T A D I T V M

AD SVMMOS IVRIS SCIENTIAE HONORES

SIBI APERIAT

A. D. XVIII. SEPT. AN. CIOIOCCCLXXXI

H. L. Q. C

DISPVTABIT

A V C T O R

CAROLVS HENRICVS SCHVVABE

NOSSENSIS

I. V. B. ET ADVOC. IMMATR

L I P S I A E

EX OFFICINA LOEPERIA

